

簡齋詩集

冊二

增廣箋註蘭齋詩集卷第十七

竹坡胡穉仲孺箋

與季申信道自光化復入鄧書事

四首

富季申前已見孫信道名確沈晦榜擢甲科建炎初作京西運司屬官僅改京秩而死亡年止四十

孫子白木杖鬻子黑油笠我獨白竹籃差池復相及夕陽橋邊畫岸
幘歸雲急勿語城中人從渠慎出入

慎出入見放魚賦東坡蔓菁羹詩勿語貴公子從渠嗜膾腥

又

賣舟作歸計竹籃穩如舟霧收青臯濕行路當春遊老馬不自知意
欲踏九州依然還故櫪寂寞壯心休

東坡醉墨堂詩駿馬倏忽踏九州魏武帝樂府老驥伏櫪志在

千里烈士暮年壯心不已老杜歲暮詩寂寞壯心驚

又

再來生白髮重見鄧州春依舊城西路桃花不記人卜居得窮巷日

色滿窗新

陳平負郭窮巷

微微吟驚市卒獨鶴語城闌

續搜神記遼東華表柱忽有鶴翔集曰有鳥有

鳥丁令威去家千年今始歸城郭如故人民非何不
學仙豕鬣東坡孤山竹閣詩白鷗不留歸後語

再來主又

城西望城南十日九相隔何如三枝杖共踏江上石門前流水過春

意滿江碧遙知千頃江如今好顏色杜花底詩深知好顏色

寄季申

雨歇城南泥未乾遙知獨立整衣冠舊時鄴下劉公幹鄴相州也劉楨字公幹乃

東平人而謂之鄴下何也蓋魏文帝為太子時在鄴宮相從文士有

七子之目而公幹在焉江淹作雜體詩三十首比謝靈運所擬鄴中

集詩而於諸人中特取劉楨王粲二人總敘曰五言之興諒自箕古

但關西鄴下既已罕同河外江南頗為異法此鄴下字正指公幹仲

宣二人也今日遼東管幼安三國志管寧字幼安北海朱虛人時天下亂

既往度乃廬於山谷注云傅子曰寧往見度語唯經典不及世事乃

因山為廬鑿圻為室越海避難者多來就之而居旬月而成邑遂講

詩書陳俎豆飾威儀明禮讓非學者無見也由是度安其賢而民化

其德中國少安人皆還唯寧晏然若將終焉在遼東三十七年乃歸

綠陰展盡身猶遠黃鳥飛來節已闌安得一樽生耳熱暫時相對說

悲歡耳熱見二卷宜春苑詩

題繼祖蟠室三首

雲起爐山久未移

見六卷心遠亭詩狄仁傑傳雲移乃得去

功名不恨十年遲

漢張釋之事文帝十

年不得調白樂天初除制誥與三舍人中書同宿詩莫怪不如君氣味此中來校十年遲陳後山除正字詩敢恨十年遲

日斜疎

竹可窗影正是幽人睡足時

劉夢得詩一方明月可中庭

又

萬卷吾今一字無打包隨處野僧如短檠未盡殘年債

昌黎短檠歌此時提携當

案前看書到曉那能眠

欲問班生試借書

西漢敘傳班彪與從兄嗣共遊學家有賜書桓譚欲借嗣不進

又

中興天子要人才要使生擒顏利來

唐李靖為定襄道行軍總管正伐突厥擒顏利可汗以獻

待吾曹紅抹額

唐婁師德為監察御史曾使吐蕃後募猛士討吐蕃乃自奮戴紅抹額來應詔與虜戰白水澗入遇入克

不須辛苦學顏回

秦韜玉貴公子行學得顏回忍飢面

述懷

閉戶生白髮逍遙步城隅野外晴林滿天未暮雲孤水容澹春歸草

色帶雨濡物態紛如昨世事再嗚呼京洛了在眼山川一何迂垂槎
莽未辦且復小踟躕杜遺懷詩吾衰將焉託存沒再嗚呼張茂先博
物志近世有人居海上每年八月見槎來不違
時齋一年糧乘之到天河見婦人織丈夫飲牛遣問嚴君平
云某年月日客星犯牛斗即此人也後人相傳謂張騫云

寄題趙景溫筠軒

相逢漢江邊盜起方如雲

漢食貨志盜起方如雲

當時蒼黃意

北山移文蒼黃反覆

亦可

無此君

見十三卷食笋詩

俗士固鮮歡

北山移文請回俗士駕

王孫終逸羣

韓信傳吾哀王孫而

進食成公子安嘯賦逸羣公子體奇好異

清秋不可負牖壁看修筠碧幹立疎雨叢梢冒

斜曛引君着勝地

見九卷觀我齋詩

世事從紛紛

皇甫冉隔雲客舍詩世事徒糾紛

何時微

月夕胡牀與子分

庾亮在武昌諸佐吏殷浩之徒乘秋夜共登南樓俄而不覺亮至諸將起避之亮徐曰諸君少住老

子於此處興復不淺便

高吟呼天風夜半笙簫聞

天風見第一詩笙簫見十三卷種竹

詩

重陽

去歲重陽已百憂今年依舊歎羈遊籬底菊花唯解笑鏡中頭髮不

禁秋

昌黎東都遇春詩白髮忽滿鏡

涼風又落宮南木老鴈孤鳴漢北州

王維送崔守詩玉樹

宮南五丈原

如許行年那可記謾排詩句寫新愁

行年記見十三卷冬至詩

有感再賦

憶昔甲辰重九日天恩曾與宴城東龍沙此日西風冷誰折黃花壽

兩宮

後漢班超贊咫尺龍沙李注龍堆沙漠也

感事

喪亂那堪說干戈竟未休

桑柔詩天降喪亂

公卿危左衽江漢故東流

論語微管

仲吾其被髮左衽矣禹貢江漢朝宗于海

風斷黃龍府雲移白鷺洲云何舒國步持底副

君憂

桑柔詩國步斯頻

世事非難料

見十四卷夜步見十五卷菊

花紛四野作意爲誰秋

杜九日詩是日東籬菊紛紛披爲誰秀

送客出城西

鄧州誰亦解丹青畫我羸驂晚出城

杜逸詩洛陽無限丹青手還有工夫畫我無羸驂見前十二卷

寄心

殘年政爾供愁了末路那堪送客行寒日滿川分衆色暮林無

葉寄秋聲垂鞭歸去重回舊路落西南計未成

戰國策行百里者半九十此言末路之

難衆色見前崇山詩

出城

得席大光書因以詩迓之

大光名益紹興三年參知政事

十月高風客子悲故人書到暫開眉

白樂天偶寄元微之詩岐分兩回首書到一開眉

也知

廊廟當推轂無柰江山好賦詩

馮唐云上古遣將跪而推轂

萬事莫論兵動後一

杯當及菊殘時喜心翻到相迎地不怕荒林十里陂

杜喜達行在詩喜心翻到極

送大光赴石城

石城高嵴嶺城下是江波莫愁織綺地年來戰馬過

杜赴奉先詩御欄在嵴嶺唐樂

志石城有女子名莫愁善歌舞梁元帝河中之水歌莫愁十三能織綺

秀眉使君醫國手

三國典略梁簡文眉目秀

發晉語醫和曰上却把江頭無事酒

史記陳軫謂犀首曰公何好飲醫醫國其次醫人

使君千里來欲飲三堂無事酒

山川勃鬱不平處

劉夢得楚望賦山川鬱乎不平風賦勃鬱煩冤澆以三盃

一搔首

世說阮籍胸中壘塊故須酒澆之昌黎感春詩數盃澆腸雖暫醉靜女詩搔首如暵

半江樓影白逶迤

想見春流二月時

王粲登樓賦路委迤而脩迤待子去掃仲宣賦走昌黎送李翱詩山重江迤迤

待子去掃仲宣賦走

馬還朝亦未遲

魏志王粲字仲宣避難荆州依劉表因登江陵城樓懷歸作登樓賦

夢中送僧覺而忘第三聯戲足之

兩鴻同一天羽翼不相及

左傳四年唯是風馬牛不相及也

偶然一識面

北史齊神武自太原

來朝見宋遊道曰常聞其名今日始識其面

別意已超忽

李太白金陵留別詩別意與之誰短長頭陀寺碑七里超忽

去程秋光好萬里無斷絕雖無仁人言贈子以明月

贈人言見四卷送張仲宗詩張

衡四愁詩何以報之明月珠

無題

此詩意為王氏程氏發也宜和五六年間先生與內翰蔡公叔厚俱為大學博士道合志一力救文弊黜三舍

偶儷體去王氏之論而尊用程氏稍索理致為一時之法參政周公葵時為諸生專取先生之文以為準的士類歸

之後人唯知渡江後趙元振尊尚程氏殊不知陳蔡二公實有以唱之也

六經在天如日月萬事隨時更故新

文選序若夫姬公之籍孔父之書與日月而俱懸

江南

丞相浮雲壤

謂王文公浮雲見山水賦東坡作贈文公太傅制云浮雲何有脫展如遺

洛下先生宰木春

意謂二程先生宰木見十一卷侯氏挽詞

孟喜何妨改師法漢孟喜從田王孫受易又蜀人趙賓好小數書持論巧慧

易家不能難皆曰非古法也云受孟喜喜為名之後賓死莫能持其
說喜因不肯仍以此不見信喜舉孝廉為郎博士缺眾薦喜上聞喜
改師法遂京房底處有門人漢梁丘賀從京房受易房出為齊郡太
不用喜

求其門舊喜讀書今懶讀焚香閱世了閑身後漢書弟子嘯邊孝
先曰懶讀書終日眠

正月十二日自房州城遇虜至奔入南山十五日抵回谷張

家

久謂事當爾豈意身及之柳子厚覺衰詩久知
老會至不意便見侵避虜連三年行半天

四維淮南子天文訓東北為報德之維西南為背
陽之維東南為常羊之維西北為蹏通之維我非洛豪士不畏

窮谷飢康駢劇談錄唐乾符中洛中有豪士承藉薰蔭錦衣玉食極
口腹之欲嘗謂門僧聖剛曰凡以炭炊飯先燒令熟謂之煉

火方可入爨不然猶有煙氣難餐及大寇先陷瀝洛財產盡昆仲
數人與聖剛同竄潛伏山谷不食者三日賊烽稍遠徒步往河橋道

中小店買脫粟飯於土垠同食美於梁肉僧笑曰此非鍊炭所炊但慙覩無對但恨平生意輕了少陵詩今

年奔房州鐵馬背後馳世說郗太尉曰平生意不在多
南史梁武舉兵得鐵馬五千疋造物亦惡劇

脫命真毫釐東坡和王子立風雨詩願君付一笑造物亦戲劇又遊
羅洛佛迹巖詩山靈莫惡劇微命安足賭柳子厚寄韋

命爭纖毫南詩鬼手脫
南山四程雲布襖險巇南卓羯鼓錄載宋璟羯鼓歌
南山起雲北山起雨布襖見

二卷建徐體詩嵇離間老炙背無意管安危炙背見三知我是朝士

亦復顰其眉史記曰者傳賈誼曰吾已見朝士大夫莊子天運篇西

猶笑西施而施病心而顰其里之醜人亦捧心而顰晉書戴逵云是

學其顰眉呼酒軟客脚歸詔大臣就宅作軟脚局菜本濯玉肌十

四卷早窮途士易德阮籍途窮而哭史記平原君歡喜不復辭昌黎

詩得猶向來貪讀書閉戶生白髭戶讀書豈知九州內有山如此奇

老杜木皮嶺詩始知自寬實不情期曰自寬者也老人亦解頤漢

五岳外別有它山尊衡傳匡說投宿恍世外青燈耿茅茨夜半不能眠澗水鳴聲悲石鼎

詩解人頤聯句序欲出口吻聲鳴益悲

正月十六日夜二絕

正月十六夜竹籬田父家明月照樹影滿山如龍蛇山谷詩寒藤古木被光景深山

大澤皆龍蛇

又

二更風薄竹悲吟連夜分村西遞餘韻應勝此間聞

簡齋詩集卷十七

五一中華書局聚

坐澗邊石上

三面青山圍竹籬人間無路訪安危扶筇共坐槎牙石澗水悲鳴無

歇時

庚信枯樹賦森梢百頃槎牙千年

增廣箋註簡齋詩集卷第十七

增廣箋註簡齋詩集卷第十八

竹坡胡穉仲孺箋

十七日夜詠月

月輪隱東峯可彩在南嶺

謝靈運遊南亭遠峯隱半規謝希逸月賦楊彩軒宮

北崖草木多蒼

茫映光景玉盤忽微露銀浪瀉千頃

李太白月詩少時不識月呼作白玉盤

巖谷散陸

離萬象雜形影

傳燈錄道吾一鉢歌青天寥寥月初上此時影空含萬象

不辭三更露冒此白髮

頂

老杜白髮詩執熱露白頭

老筇無前遊危處有新警澗光如翻鶴變態發遙境

回首房州城中夜何永

獨立

籬門一徙倚今夜天星繁獨立人世外唯聞澗水喧

屈原遠遊章步徙倚而遙思

叢薄凝露氣

淮南子倣真訓獸走叢薄之中高注聚木曰叢深草曰薄又招隱士賦叢薄深林今人上慄老杜月詩夜深露

清羣峯帶春昏

李賀感諷詩春昏弄長嘯

偷生亦聊爾

荀子榮辱篇以偷生反側於亂世之間李陵書陵豈

偷生之士阮咸曰聊復爾耳

難與衆人言

司馬子長答少卿書此可爲智者道難爲俗人言也高適酌裴秀才詩此事難

重陳未於
衆人道

採菖蒲

閑行澗底採菖蒲千歲龍蛇抱石臞明朝却覓房州路飛下山顛不

要扶

本草菖蒲採石澗所生緊如魚鱗者服之輕身者域方石菖蒲服之行如奔馬列子湯問篇海中五山仙聖之種飛相往來老

杜寄薛郎中詩上馬不用扶白樂天不准擬詩上山仍未要人扶

與信道遊澗邊

斜陽照亂石顛崖下雙筇試從絕壑底仰視最奇峯迴碯發澗怒高

靄生樹容

吳都賦碯岸爲之不枯

半巖菖蒲根翠葆森伏龍

蜀志先主傳當乘此羽葆蓋車

豈

無避世士於此儻相逢客心忽悄愴歸路迷行蹤

東坡過宜賓詩豈無避世士高隱煉

精魂

詠西嶺梅花

雨後衆崖碧白處紛寒梅遙遙迎客意欲下山坡來窮村受春晚邂

逅今日開絳領承玉面臨風一低回折歸無可贈孤賞心悠哉

折贈見第

四卷送仲宗詩柳子厚
遊南亭詩孤賞誠所悼

遊南嶂同孫信道

放身天地不自知導以龍蛇翼熊虎

五代史一行傳論孰若遙瞻南無愧於心放身而自得

嶂深復深

東坡送姪詩上松楠深復深

雙崖與天藏太陰

老杜獨坐詩雙崖洗更青

青鞋濟勝

不能懶

濟勝見十五卷建除體詩

踏破積雪窮崎嶇

老杜夜雨詩只應踏初雪

空中

朽樹抱孤條

無覈蒼壁生橫林孤禽三叫危石裂

異聞錄洞庭靈煙傳猛石可裂不可

卷

欲返未返神蕭森

老杜法鏡寺詩神傷山行深東坡自普照遊三庵詩我須愛山亦自笑獨往神傷後難繼張景

陽詩荒林鬱蕭森

磴迴忽然何處所

柳子厚遊石角詩磴迴茂樹斷

當面煙如翠蛟舞

東坡

宮詩庭下流泉翠蛟舞

石門泄風無晝夜

南都賦阻以石門昌黎行岳詩噴雲泄霧藏半腹云云

古木截

道藏雷雨

潘岳河陽縣詩警若截道馳

丹丘赤城去幾許

天台賦赤城霞起而建標又云仍羽人於丹丘

下視人間足塵土

白樂天夢仙詩半空直下視人出塵冥冥

山中異事記今晨杖藜得道

孫與陳

杖藜見五卷春日詩

遊東巖

詩集

卷十八

中華書局聚

散策東巖路夢中曾記經

東坡書王晉卿山水詩夢中記我亦曾遊

斜暉射殘雪巖谷遍

晶熒鴉鳴山寂寂意迥川冥冥乘興欲窮討會心還少停

王子猷曰乘興而來

會心見十五卷登城樓詩

新晴遠村白薄暮羣峯青

柳子厚田家詩雞鳴村巷白

危途通僊境

司馬長卿諫獵書曰樂出萬有一危之途又老杜北園詩云不敢近危途

勝日行畫屏

勝日見十四卷買山藥詩李太白贈

崔秋浦詩水從天漢落山通畫屏新

豈獨淨一念

傳燈錄為山云須一念頓悟自理由

有無口曠劫習氣未能頓淨

將期朝百靈

老杜橋陵詩先帝昔晏駕茲山朝百靈

不同南澗詠悲慨

滿中局

柳子厚南澗中詩有云孤生易為感失路少所宜索寞競何事徘徊只自知東坡嘗云儀曹此詩憂中有樂樂中有憂蓋

妙絕今古矣然老杜云王侯與蟻蟻同盡隨丘墟儀曹何憂之深也淮南子主術篇中局外閑

晚望信道立竹林邊

修竹林邊煙過遲幅巾藜杖立疎籬

後漢符融幅巾奮袂藜杖見五卷春日詩恨無顧陸

同攜手寫取孫郎覓句詩

談賓錄晉以來顧長康陸探微為畫家之祖名畫記云上古之畫迹簡而意淡顧陸

之流是也東坡詩何年顧陸丹青手

雨晴徐步

百年幾晴朝徐步山徑濕忽悟春已深鳴禽飛相及

謝宣城夏始和劉孺陵詩浮雲

去欲窮暮雲飛相及

雪消衆綠淨

韋蘇州別福善精舍詩夏雨生衆綠

霧罷羣峯立

韓非子難勢篇雲罷霧霽

而龍蛇與

澗邊千巖今日何復集

莊子在宥篇故賢者伏處太山嵒巖之下

同信道晚登古原

幽懷忽牢落起望登古原微吹度修竹半林白翻翻日暮紛物態山

空銷客魂惜無一樽酒與子醉中言

牢落見七卷連雨詩別賦黯然銷魂

岸幘

岸幘立清曉山頭生薄陰亂雲交翠壁細雨濕青林時改客心動鳥

鳴春意深窮鄉百不理時得一閑吟

岸幘見十一卷登天清寺塔詩

雨

雲起谷全暗雨時山復明青春望中色白澗晚來聲遠樹鳥羣集高

原人獨耕老夫逃世日堅坐聽陰晴

虞山南雨後應令詩日下林全暗雲收嶺半空

醉中至西徑梅花下已盛開

梅花亂發雨晴時褪盡紅綃見玉肌醉中忘却頭邊雪橫插繁枝歸

竹籬

老杜寄相位詩鬢髮還應雪滿頭

出山二首

陰巖不知晴路轉見朝日獨行修竹盡石崖千丈碧

又

山空樵斧響隔嶺有人家日落潭照樹川明風動花

參寥東園詩隔林彷彿聞機杼

知有人家在翠微

入山二首

出山復入山路隨溪水轉東風不惜花一暮都開遍

又

都迷去時景策杖煙漫漫微雨洗春色諸峯生晚寒

昌黎望秋詩長安雨洗新秋出

寒食

竹籬寒食節微雨澹春意喧譁少所便寂寞今有味空山花動搖亂